

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

漢魏六朝百三家集

梁

沈隱侯

第七十二冊

V. 72







武淵集



沈隱侯集



沈隱侯集題詞

梁武篡齊決策於沈休文范彥龍時  
休文年已六十餘矣抵掌革運鼓舞  
作賊惟恐人非金玉時失河清舉手  
之間大事已定竟忘身爲齊文惠家  
令也佛前懺悔省訟小過戒及綺語



獨諱言佐命不敢播騰及齊和入夢  
赤章奏天中使譴責趣其病殞回思  
妓師識面君臣罷酒又成往事然攀  
附功烈於生前龍鳳猜積於身後易  
名一字猶遭奪改若重泉有知能無  
抱恨於壽光閤外哉休文大手史書



居長傳者獨宋文集百卷亦僅存十  
三取其得意之篇比諸傳論膏沐餘  
潤光輝蔽體馬書班賦別集偏行適  
助南董之美觀耳四聲譜自謂入神  
後代遵奉而不獲邀賞於武帝聲病  
牽拘固非英雄所喜也禪筆紛作於



樹園妙吼諦乘正說遠遜乃公意者  
逢時之意多則覺性之辭少矣

婁東張溥題



沈隱侯集目錄

卷之一

賦

郊居賦

愍塗賦

憫國賦

麗人賦

傷美人賦

擬風賦



桐賦

高松賦

愍衰草賦

天淵水鳥賦

反舌鳥賦

詔

天監元年恩詔

南郊恩詔



又

立太子恩詔

又

立內職詔

使四方士民陳刑政詔

勸農訪民所疾苦詔

搜隱逸詔

酬荆雍議士詔

赦詔



又

立左降詔

降死罪詔

沈文季加侍中詔

崔慧景加侍中詔

授蕭惠休右僕射詔

授王亮左僕射詔

王亮王瑩加授詔

臨川王子晉南康侯子恪遷授詔



王茂加侍中詔

資給何點詔

封授臨川等五王詔

劉領軍封侯詔

王亮等封侯詔

常僧景等封侯詔

封三舍人詔

封申希祖詔

封李居壬等詔



封徐世檨詔

封左興盛等詔

勅

梁武帝踐祚與州郡勅

與謝朓勅

與何胤勅

制

授蔡法度廷尉制

授王績蔡約王師制



疏

脩定樂書疏

論譜籍疏

又長篇

議乘輿升殿疏

論選舉疏

爲文惠太子禮佛願疏

爲文惠太子解講疏

爲齊竟陵王發講疏

并頌

爲齊竟陵王解講疏



又

爲南郡王捨身疏

捨身願疏

表

上宋書表

上注制旨連珠表

爲柳世隆上銅表

上建闕表

爲柳兖州世隆上舊宮表



舉胡元秀表

薦劉粲表

與沈淵薦沈麟士表

爲柳世隆讓封公表

爲褚炫讓吏部尚書表

爲南郡王讓中軍表

爲始興王讓儀同表

讓僕射表

讓五兵尚書表



爲皇太子謝表

爲長城公主謝表

謝封建昌侯表

謝母封建昌國太夫人表

到著作省謝表

拜尚書令到都謝表

謝立皇太子賜絹表

謝賜新曆表

致仕表



臨終遺表

章

爲安陸王謝荊州章

爲晉安王謝南兗州章

爲六官拜章

彈文

奏彈王源

奏彈孔稚珪違制啓假事

奏彈奉朝請王希聘違假



奏彈御史孔橐題省壁悖慢事

奏彈秘書郎蕭遙昌

奏彈王僧佑

脩竹彈甘蕉文

啟

賀齊明帝登祚啟

上錢隨喜光宅寺啟

送育王像并上錢燭等啟

謝賜甘露啟



謝勅賜冰啓

謝賜紵綢絹等啓

謝勅賜絹葛啓

謝齊竟陵王敎撰高士傳啓

謝齊竟陵王示華嚴瓔珞啓

謝齊竟陵王示永明樂歌啓

謝竟陵王賚母赫國雲氣黃綾裙襦啓

謝女出門宮賜絹綺燭啓

謝司徒賜北蘇啓



爲柳世隆謝賜樂游苑胡桃啓

爲東宮謝勅賜孟嘗君劔啓

爲皇太子謝賜御所射雉啓

答釋法雲啓

謝陶隱居水煎啓

上陶隱居啓  
二首

書

與徐勉書

答陸厥問聲韻書



答樂藹書

答沈麟士書

與范述曾論齊竟陵王賦書

與陶弘景書

報王筠書

報博士劉杳書

與約法師書

序

梁武帝集序



內典序

佛記序

碁品序

論

七賢論

辯聖論

均聖論

答陶華陽

究竟慈悲論

形神論

神不滅論

難范縝神滅論

述僧設會論

述僧中食論

義

佛知不異衆生知義

六道相續作佛義

因緣義



頌

千佛頌

朝丹徒故宮頌

贊

高士贊

有序

繡像題贊

有序

彌勒贊

銷聲贊

雪贊

銘

瑞石像銘

有序

光宅寺刹下銘

有序

彌勒佛銘

釋迦文佛像銘

栖禪精舍銘

有序

卷之二

連珠

連珠二首



記

枳園寺剎下石記

齊竟陵王題佛光記

碑

桐栢山金庭館碑

法王寺碑

善館碑

齊故安陸昭王碑

豫章文憲王碑

太尉王儉碑

比丘尼僧敬法師碑

哀策文

齊明帝哀策文

謚議

齊武帝謚議

齊明帝謚議

梁德皇后謚議

墓誌銘



齊太尉文憲王公墓銘

齊太尉徐公墓誌

丞相長沙宣武王墓銘

司徒謝朓墓銘

尚書右僕射范雲墓銘

太常卿任昉墓銘

行狀

齊司空柳世隆行狀

齊臨川王行狀

齊禪林寺尼淨秀行狀

文

懺悔文

干僧會願

賽蔣山廟文

冠子祝文

齊竟陵王題佛光文

樂府

梁雅樂歌十一首



皇雅 三曲

滌雅 一曲

牲雅 一曲

誠雅 三曲

獻雅 一曲

禋雅 二曲

梁南郊登歌詩二首

梁北郊登歌二首

梁明堂登歌五首

青帝

赤帝

黃帝

白帝

黑帝

梁宗廟登歌七首

梁三朝雅樂歌六首

俊雅

三曲

胤雅

一曲



寅雅 一曲

介雅 三曲

需雅 八曲

雍雅 三曲

五引曲五首

角引

徵引

宮引

商引

羽引

梁鼓吹曲十二首

木紀謝

賢首山

桐柏山

道亡

枕威

漢東流

鶴樓峻



昏王恣淫慝

石首局

期運集

於穆

惟大梁

梁大壯大觀舞歌二首

大壯舞歌

大觀舞歌

梁鞞舞歌

明之君六首

日出東南隅行

昭君辭

長歌行

又

君子行

從軍行

豫章行

相逢狹路間



長安有狹斜行

三婦豔

江籬生幽渚

却出東西門行

飲馬長城窟

青青河畔草

梁甫吟

君子有所思行

白馬篇

齊謳行

前緩聲歌

鼓吹曲二首同諸公賦

芳樹

臨高臺

洛陽道

江南曲

東武吟行

怨歌行



悲哉行

攜手曲

有所思

夜夜曲

二曲

釣竿

臨碣石

湘夫人

貞女引

襄陽白銅鞮歌三首

永明樂

江南弄四首

趙瑟曲

秦箏曲

陽春曲

朝雲曲

樂未央

四時白紵歌五首

春白紵



夏白紵

秋白紵

冬白紵

夜白紵

詩

侍皇太子釋奠宴

爲南郡王侍皇太子釋奠宴二首

三日侍鳳光殿曲水宴應制

爲臨川王九日侍太子宴

九日侍宴樂遊苑

從齊武帝瑯琊城講武應詔

三日侍林光殿曲水宴應制

侍宴樂遊苑餞呂僧珍應詔

正陽堂宴勞凱旋

遊鍾山詩應西陽王教

五章

登高望春

遊金華山

劉真人東山還



登玄暢樓

酬謝宣城眺臥疾

新安江至清淺深見底貽京邑遊好

送別友人

去東陽與吏民別

早發定山

循役朱方道路

和竟陵王遊仙詩二首

遊沈道士館

還園宅奉酬華陽先生

華陽先生登樓不復下贈呈

酬華陽陶先生

奉華陽王外兵

赤松澗

八關齋

古意

少年新婚爲之詠

夢見美人



直學省愁臥

休沐寄懷

宿東園

行園

和左丞庾杲之病

和竟陵王抄書

奉和竟陵王郡縣名

奉和竟陵王藥名

和陸慧曉百姓名

三月三日率爾成章

織女贈牽牛

應王中丞思遠咏月

和王中書德克詠白雲

詠雪應令

和劉雍州繪博山香鑪

詠湖中鴈

冬節後至丞相第詣世子車中作

奉和竟陵王經劉巖墓



悼亡

侍遊方山應詔

樂將殫恩未已應詔

泛永康江

餞謝文學離夜

別范安成

效古

庭雨應詔

初春

春思

傷春

秋夜

同詠樂器

詠簾

同詠坐上玩器

詠竹檳榔盤

簷前竹

翫庭柳



麥李

詠桃

詠青苔

十詠二首

領邊繡

脚下履

懷舊詩九首

傷王融

傷謝朓

傷庾杲之

傷王湛

傷虞炎

傷李珪之

傷韋景猷

傷劉渢

傷胡諧之

詠新荷應詔

聽蟬鳴應詔



詠笙

詠箏

詠石榴

大言應令

細言應令

詠餘雪

詠帳

侍宴詠反舌

寒松

詠孤桐

詠梧桐

園橘

詠梨應詔

西地梨

詠芙蓉

詠杜若

詠鹿蔥

甘蕉



詠菰

早行逢故人車中爲贈

爲鄰人有懷不至

阻雪連句

和劉中書仙詩二首

華山館爲國家營功德

和王衛軍解講

侍宴謝朓宅餞袁歸應制

酬孔通直過懷遠居

石塘瀨聽猿

出重圍和傅昭

秋晨羈怨望海思歸

侍宴樂游苑餞徐州刺史應詔

憩郊園和約法師採藥

四城門

上巳華光殿

六憶詩四首

八詠詩



登臺望秋月

會圃臨東風

歲暮愍衰草

霜來悲落桐

夕行聞夜鶴

晨征聽曉鴻

解佩去朝市

被褐守山東

附錄

連珠二首

記

枳園寺剎下石記

齊竟陵王題佛光記

碑

桐栢山金庭館碑

法王寺碑

善館碑

齊故安陸昭王碑



豫章文憲王碑

太尉王儉碑

比丘尼僧敬法師碑

哀策文

齊明帝哀策文

謚議

齊武帝謚議

齊明帝謚議

梁德皇后謚議

墓誌銘

齊太尉文憲王公墓銘

齊太尉徐公墓誌

丞相長沙宣武王墓銘

司徒謝朓墓銘

尚書右僕射范雲墓銘

太常卿任昉墓銘

行狀

齊司空柳世隆行狀



齊臨川王行狀

齊禪林寺尼淨秀行狀

文

懺悔文

千僧會願

賽蔣山廟文

冠子祝文

齊竟陵王題佛光文

附錄

本傳

沈隱侯集目錄終



沈隱侯集

目錄

沈隱侯集卷一

梁吳興沈約著

明太倉張溥閱

賦

郊居賦

惟至人之非已、固物我而兼忘、自中智以下泊、  
咸得性以爲場、獸因窟而獲騁、鳥先巢而後翔、  
陳巷窮而業泰、嬰居湫而惠昌、僑棲仁於東里、  
鳳晦迹於西堂、伊吾人之徧志、無經世之大方、



思依林而羽戢，願託水而鱗藏。固無情於輪奐，非有欲於康莊。披東郊之寥廓，入蓬藿之荒茫。旣從豎而橫構，亦風除而雨攘。昔西漢之標季，余播遷之云始。違利建於海昏，創惟棄於江汜。同河濟之重世，踰班生之十紀。或辭祿而反畊，或彈冠而來仕。逮有晉之隆安，集艱虞於天步。世交爭而波流，民失昔而狼顧。延亂麻於井邑，曝如莽於衢路。大地曠而靡容，昊天遠而誰訴。伊皇祖之弱辰，逢昔艱之孔棘。違危邦而窘驚。

訪安土而移卽肇胥宇於朱方掩閒庭而宴息  
值龍顏之鬱起乃憑風而矯翼指皇邑而南轅  
駕修衢以騁力遷華扉而來啓張高衡而徙植  
倚逸陌之修平面淮流之清道芳塵浸而悠遠  
世道忽其宸隆綿四代於茲日盈百祀於微躬  
嗟弊廬之難保若賈籜之從風或誅茅而剪棘  
或旣西而復東乍容身於白社亦寄孥於伯通  
迹平生之耿介寔有心於獨往思幽人而軫念  
望東臯而長想本忘情於狗物徒羈紲於天壤



應屢歎於牽絲、陸興言於世網、事滔滔而未合、  
志悵悵而無爽路、將殫而彌峭、情薄暮而踰廣、  
抱寸心其如蘭、何斯願之浩蕩、詠歸歟而躑躅、  
眷巖阿而抵掌、逢時君之喪惠、何凶昏之孔熾、  
乃戰牧所未陳、寔升陟所不記、彼黎元之喋喋、  
將垂獸而爲餌、瞻窮昊而無歸、雖非牢而被哉、  
始歎絲而未覩、終迫組而後值、尋貽愛乎上天、  
固非民其莫甚、授冥符於井翼、寔靈命之所稟、  
當降監之初辰、值積惡之云稔、甯方割於下墊、

廓重氛於上塲、躬靡暇於朝食、常求衣於夜枕、  
既牢籠於媯夏、又馳驅乎軒項、憊無遠而不被、  
明無微而不燭、鼓玄澤於大荒、播仁風於遐俗、  
闢終古而遐念、信王猷其如玉、值銜圖之盛世、  
遇興聖之嘉期、謝中涓於初日、叨光佐於此豈、  
闕投石之猛志、無飛矢之麗辭、排陽鳥而命邑、  
方河山而啓基、翼儲光於三善、長王職於百司、  
兢鄙夫之易失、懼寵祿之難持、伊前世之貴仕、  
罕紆情於邱窟、譬叢華於楚趙、每驕奢以相越、



築甲館於銅駝並高門於北闕闢重扃於華閭  
豈蓬蒿所能及教傳嗣於堯壤何安身於窮地  
味先詰而爲言固余心之所嗜不慕權於城市  
豈邀名於屠肆永希微以考室幸風霜之可庇  
爾乃傍窮埜抵荒郊編霜莢葺寒茅構棲噪之  
所集築町疇之所交因犯檐而刊樹由妨基而  
剪巢決渟洿之汀澹塞井甃之淪坳蒔芳枳於  
北渠樹修楊於南浦遷甕牖於蘭室同肩墻於  
華堵織宿楚以成門籍外扉而爲戶旣取陰於

庭樾又因籬於芳杜、開閣室以遠臨、闢高軒而  
旁觀、漸沼沚於雷垂、周塋陌於堂下、其水草則  
蘋萍芡芰、菁藻蒹菰、石衣海髮、黃荇綠蒲、動紅  
荷於輕浪、覆碧葉於澄湖、食嘉實而却老、振羽  
服於清都、其陸卉則紫鼈綠施、天著山韭、鴈齒  
糜舌、牛脣、翫首、布蔭南池之陽、欄幔北樓之後、  
或翬渚而芘地、或縈窻而窺牖、若乃園宅殊製、  
田圃異區、李衡則橘林千樹、石崇則襍果萬株、  
竝豪情之所侈、非儉志之所娛、欲令紛披蓊鬱、



吐綠攢朱羅窗映戶、接雷承隅、開丹房以四照、  
舒翠葉而九衢、抽紅英於紫蒂、銜素蘂於青跗、  
其林鳥則飀泊頽頽、遺音下上、楚雀多名、流嚶  
襍響、或班尾而綺翼、或綠衿而絳頰、好葉隱而  
枝藏、乍間關而來往、其水禽則大鴻小鴈、天狗  
澤虞、秋鷺冬鸛、修鷁短鳧、曳參差之弱藻、戲瀨  
澗之輕軀、翅抨流而起沫、翼鼓浪而成珠、其魚  
則赤鯉青魴、纖儵鉅鰈、碧鱗朱尾、修顙偃頤、小  
則戲渚成文、大則噴流揚白、不興羨於江海、

相忘於余宅其竹則東南獨秀九府擅奇不遷  
植於淇水豈分根於樂池秋蜩唵葉寒雀噪枝  
來風南軒之下負雪北堂之垂訪往塗之軫跡  
觀先識之情僞每誅空而索有皆指難而爲易  
不自己而求足並尤物以興累亦昔士之所迷  
而今余之所避也原農皇之攸始討厥播之云  
初肇變腥以粒食乃人命之所儲尋井田之往  
記考阡陌於前書顏簞食而樂在鄭高廩而空  
虛頃四百而不足畝五十而有餘撫幽衷而跼



念幸取給於庭廬、緯東菑之故耜、浸北畝之新  
渠、無褻褻於曉蓐、不抱怒於朝蔬、排外物以齊  
遣、獨爲累之在余、安事千斯之積、不羨汶陽之  
墟、臨巽維而聘日、卽堆冢而流眄、雖茲山之培  
塿、乃文靖之所宴、驅四牡之低昂、響繁笳之清  
嘽、羅方員而綺錯、窮海陸而兼薦、奚一權之足  
偉、委千金其如線、試撫臆而爲言、豈斯風之可  
扇、將通人之遠旨、非庸情之所見、聊遷情而徙  
睎、識方阜於歸津、帶脩汀於桂渚、肇舉鋪於疆

秦路縈吳而欵越塗被海而通閭懷三島以長  
念伊故鄉之可珍寔褰期於晚歲非失步於方  
春何東川之漣漣獨流涕於吾人謬參賢於昔  
代亟徒游於茲所侍綵旄而齊轡陪龍舟而遵  
渚或列席而賦詩或班觴而宴語總帷一朝冥  
漠西陵忽其葱楚望商飈而永歎每樂愷於斯  
觀始則鐘石鏘鉉終以魚龍瀾漫或升降有序  
或浮白無筭貴則景魏蕭曹親則梁武周旦莫  
不共霜霧而歇滅與風雲而消散眺孫后之墓



田尋雄霸之遺武、寔接漢之後王、信開吳之英、  
主、指衡岳而作鎮、苞江漢而爲宇、徒徵言於石、  
柳、遂延災於金縷、忽蕪穢而不修、同原陵之臚、  
臚、甯知螻蟻之與狐兔、無論樵芻之與牧豎、睇、  
東、嚬以流目、心悽愴而不怡、蓋昔儲之舊苑、寔、  
博望之餘基、修林則表以桂樹、列草則冠以芳、  
芝、風臺累翼、月榭重栢、千櫨嘒嘒、百拱相持、阜、  
轅林駕、蘭榭水嬉、踰三齡而事往、忽二紀以歷、  
茲、咸夷漫以蕩滌、非古今之異時、回余眸於貝、

域觀高館於茲嶺，雖混成以無跡，寔遺訓之可  
秉。始飡霞而吐霧，終陵虛而倒影，駕雌蜺之連  
卷，泛天江之悠永，指咸池而一息，望瑤臺而高  
騁，匪爽言以自誇，冀神方之可請，惟鍾巖之隱  
鬱，表皇都而作峻，蓋望秩之所宗，含風雲而吐  
潤，其爲狀也，則巍峩崇岑，喬枝拂日，嵒嵒岩壑，  
墜石堆星，岑峯聳岬，或均或平，盤堅枕卧，詭狀  
殊形，孤燈橫插，洞穴斜經，千丈萬仞，三襲九成，  
亘繞州邑，欵跨郊垌，素煙晚帶，白霧晨縈，近循



則一巖異色、遠望則百嶺俱青、觀二代之瑩北、  
覩摧殘之餘、遂成顛沛於虐豎、康歛衿於虛器、  
穆恭已於巖廊、簡遊情於玄肆、烈窮飲以致災、  
安忘懷而受崇、何宗祖之奇傑、威橫天而陵地、  
惟聖文之纘武、殆隆平之可至、余世惠之所君、  
仰遺封而掩淚、神寢匪一、靈舘相距、席布驂駒、  
堂流桂醕、降紫皇於天闕、延二妃於湘渚、浮蘭  
煙於桂棟、召巫陽於南楚、揚玉桴握椒糈、悅臨  
風以浩唱、折瓊茅而延伫、敬惟空路邈遠、神蹤

遐濶念甚驚飈生猶聚沫歸妙軫於一乘啓玄  
扉於三達欲息心以遺累必違人而後豁或結  
榛於巖根或開櫺於木末室闇蘿蒿檐梢松栝  
旣得理於兼謝固忘懷於饑渴或攀枝獨遠或  
陵雲高蹈因葺茨以結名猶觀空以表號得忘  
已於茲日豈期心於來報天假余以大德荷茲  
賜之無疆受老夫之嘉稱班燕禮於上庠無希  
驥之秀質乏如珪之令望邀昔恩於舊主重匪  
服於今皇仰休老之盛則請微軀於夕陽勞蒙



司而獲謝，猶奉職於春坊。時言歸於陋宇，聊暇  
日以翱翔。棲余志於淨國，歸余心於道場。獸依  
墀而莫駭，魚泐沼而不綱。旋迷塗於去轍，篤後  
念於徂光。晚樹開花，初英落蘂。或異林而分丹，  
青乍因風而襍紅。紫蓮夜發，紅荷曉舒。輕風  
微動，其芳襲余。風騷屑於園樹，月籠連於池竹。  
蔓長柯於簷桂，發黃華於庭菊。冰懸堦而帶坻，  
雪縈松而被埜。鴨屯飛而不散，鴈高翔而欲下。  
並時物之可懷，雖外來而非假。寔情性之所留。

滯亦忘之而不能捨也。傷余情之頽暮，懼憂患其相溢，非異軫而同歸。懽殊方而並失，時復託情魚鳥，歸閑蓬華，旁闕吳娃，前無趙瑟，以斯終老於焉。消日惟以天地之恩不報，書事之官靡述，徒重於高門之地，不載於良史之筆，長太息其何言，羞愧心之非一。

### 愍塗賦

絳榜窮渚，思臨長嶼。情依舊越，身經故楚。彼長路之多端，伊客心之無緒。懽因循而易失，悲由



心而難拒、此北海之信遠、知余思之方阻、日掩  
長浦、風掃聯葭、疊雲凝憤、廣水騰華、聽奔沸於  
洲嶼、望掩曖乎煙沙、依雲邊以知國、極鳥道以  
瞻家、免悽愴於羈離、亦殷勤於行路、歎余塗之  
屢蹇、奚前芳之可慕、

憫國賦

余生平之無立、徒跣跣以自閑、處圍城之惴惴、  
得無用於行間、對僚友而不怡、咸悄顏而相顧、  
畏高衝之北擬、壯激矢之南度、駭潛師之夜過、

驚躍馬之晨呼、予森森而密豎、旗落落而疎布、  
時難紛其未已、歲功迫其將徂、育素蟣於玄冑、  
垂葆髮於縵胡、

麗人賦

有客弱冠未仕、締交戚里、馳驚王室、遨遊許史、  
歸而稱曰、狹斜才女、銅街麗人、亭亭似月、嫵婉  
如春、凝情待價、思尚衣巾、芳踰散麝、色茂開蓮、  
陸離羽珮、雜錯花鈿、響羅衣而不進、隱明燈而  
未前、中步襜而一息、順長廊而迴歸、池翻荷而



納影風動竹而吹衣、薄暮延位、宵分乃至、出閨  
入光、含羞隱媚、垂羅曳錦、鳴瑤動翠、來脫薄粧、  
去留餘膩、沾粧委露、理鬢清渠、落花入領、微風  
動裙、

傷美人賦

信美顏其如玉、咀清哇而度曲、思佳人而未來、  
望餘光而躑躅、拂螭雲之高帳、陳九枝之華燭、  
虛翡翠之珠被、空合歡之芳褥、言歡愛之可求、  
庶羅袂之空裁、曾未申其巧笑、忽淪軀於夜臺、

伊芳春之仲節、夜猶長而未遽、悵徙倚而不眠、  
往徘徊於故處、

擬風賦

若夫搖玉樹、響金扉、拂九層之羽蓋、轉八鳳之  
珠旂、時卷瑤臺翠帳、乍動佚女輕衣、此蓋羽客  
之仙風也、

桐賦

龍門之桐、遠望青葱、專巖擅嶺、或孤或叢、枝封  
暮雲、葉映晝虹、抗蘭橈以棲龍、拂雕窻而團露、



喧密葉於鳳晨、宿高枝於鸞暮、合影陽崖、標峯  
東陸、俯結玄陰、仰成翠屋、乍髣髴於行雨、時徘徊  
於丹轂、遶齊綵於碧林、豈慚光於若木、

高松賦

鬱彼高松、栖根得地、託北園於上邸、依平臺而  
養翠、若夫蟠株聳幹之懿、含星漏月之奇、經千  
霜而得拱、仰百仞而方枝、朝吐輕煙、薄霧、夜宿  
迷鳥、羈雌、露雖滋而不潤、風未動而先知、旣梢  
雲於清漢、亦倒景於華池、輕陰蒙密、喬柯布蔭、

葉斷禽蹤枝通援路聽騷騷於旣曉望隱隱於  
將暮暖平湖而漾青綠拂繒綺而籠丹素於時  
風惡堊首寒浮塞天流蓬不息明月孤懸檀欒  
之竹可詠鄒枚之客存焉清都之念方遠姑射  
之想悠然擢柔情於蕙圃涌寶思於珠泉豈徒  
爲善之小樂離繳之短篇若此而已乎

愍衰草賦

愍衰草衰草無容色憔悴荒徑中寒荻不可識  
昔時兮春日昔日兮春風銜花兮佩實垂綠兮



散紅巖陬兮海岸、冰多兮霰積、布綿密於寒臯、  
吐纖疏於危石、彫芳卉之力、衢賁靈茅之三脊、  
風急峭道難、秋至客衣單、旣傷簷下菊、復悲池  
上蘭、飄落逐風盡、方知歲早寒、流螢暗明燭、鴈  
聲斷裁續、霜奪莖上紫、風銷葉中綠、秋鴻兮疏  
引、寒鳥兮聚飛、徑荒寒草合、草長荒徑微、園庭  
漸蕪沒、霜露日霑衣、

天淵水鳥應詔賦

天淵池鳥、集水漣漪、單汎姿容與、羣飛時合離、

將騫復歛翮，迴首望驚雌。飄薄出孤嶼，未曾宿  
蘭渚。飛飛忽云倦，相鳴集池籞。可怜九層樓，光  
影水上浮。本來暫止息，遇此遂淹留。若夫旅浴  
清深，明翻迴曠，翠鬣紫纓之飾，丹冕綠襟之狀，  
過波兮湛澹，隨風兮迴漾。竦臆兮開萍，感水兮  
興浪。

反舌鳥賦

咨立造之大德，播含靈於無小。有反舌之微禽，  
亦班名於庶鳥。乏佳容之可翫，因繁聲以自表。



其聲也驚詭，噤噤縈紆離亂，駢浮迴合，岳危瓊  
散，或發曲無漸，或收音去半，旣含意於將曉，亦  
流妍於始旦，雜沓逶迤，噉跳參差，攢嬌動葉，促  
轉縈枝，分宮析徵，萬矩千規，因風起嘒，曳響生  
奇，對芳辰於此月，屬今余之遘暮，倦城守之誼  
疲，愛田郊之間素，眷春物而懷之，聞好音於庭  
樹。

詔

改天監元年恩詔

門下五精遞襲，皇王所以受命。四海樂推，殷周所以改物。雖禪代相舛，遭會異時，而微明迭用，其流遠矣。莫不振民育德，光被黎元。朕以寡闇，命不先後，甯濟之功，屬當期運。乘此時來，同心萬物，遂振厥弛維，大造區夏。永言前蹤，義均慙惠。齊氏以代終有徵，曆數云改。欽若前載，集大命於朕躬。顧惟非德，辭不獲命。寅畏上靈，用膺



景業執禋柴之禮、當與能之祚、繼迹百王、君臨四海、若涉大川、罔知攸濟、洪基初兆、萬品權輿、思俾慶澤、覃被率土、可大赦天下、改齊中興二年爲天監元年、賜民爵二級、文武加位二等、鰥寡孤獨、不能自存者、人穀五斛、逋布口錢、宿債勿復收、其有犯鄉論清議、賊汙淫盜、一皆蕩滌、洗除前注、與之更始、長從勅繫之身、特皆原遣、亡官失爵、禁錮奪勞、一依舊典、

南郊恩詔

門下十日禋饗，政道莫先，厚下布澤，哲王是務。朕仰祇靈眷，俯臨億兆，歲象迴環，恭事亡及，牲玉必荐，感敬備申，升煙燎於窮昊，致精誠於太一，思霑颺潤，惠茲窮生，應天監三年，內犯奪勞，及左降可悉原降，繼市職不克，人身及家口質繫，悉散還私家，督脩前歲，三五犯譴，因及隨曹景宗授司州委叛，應謫役者，並量所蠲降，尚書所檢巧陳滛辭，曾更開恩百日，各聽自首，不問往罪，京師三縣尤窮之民，詳加賑恤，主者速條



格施行，

又

門下朕肅膺乾貺，君臨率土，雖日晏劬勞而仁  
恕未洽，星琯驟迴，履端告始，禋饗云脩，誠敬兼  
申，宣和布澤，情深待旦，凡內外文武，可各賜勞  
一年，叛亡未擒，若百日內自首還役，不問往罪，  
女子質繫悉且散遣，文書輕重坐罪，並皆從原，  
主者詳爲條格，疾速施行。

又

朕昧爽夙興，念茲理道，而明不燭遠，弘之未易。  
仰尋先烈，思致升平。自頃多故，戎車代有，軍政  
國容，事緒非一，刑禮參用，未致和臻。向隅之情，  
永言增歎。今郊禋載洽，幽明允從，思崇嘉祉，被  
之兆庶，可大赦天下，主者施行。

### 立太子恩詔

朕屬當期運，係迹前王，思所以長世流祚，垂之  
萬葉百辟，咸以元良之寄，有國莫先。自昔哲后  
降及近代，莫不立儲樹嫡，守噐承祧，乃旁挹羣



議遠惟七百，建茲蒙稚，仰副宗祊，承華肇開，崇基克永，無疆之慶，非獨在余，思霑渥澤，被之遐邇，可賜天下爲父後者爵一級，王侯以下，量錫幣帛。

又

門下朕夙纘璿祚，君臨四方，夕惕寅畏，若寘淵谷，思所以光闡洪基，克隆鼎命，王公卿士，咸以爲樹元立嫡，有邦所先，守器傳統，於斯爲重，是用俾茲幼蒙，體乾作貳，永固宗祀，以貞萬國，元

良之寄，非獨在余，宜令嘉慶被之億兆，可大赦天下，賜民爲父後者爵一級，主者速施行。

### 立內職詔

刑於垂訓，周文所以表德；壺闈失序，漢氏所以喪邦。並被諸方冊，式昭戒勸。魏晉以來，雖云簡薄，而內職名號，參差不同。在宋太始，位置繁冗，遂設九品，且擬外朝，填委椒掖，徵費無已。自此相仍，踵以成舊。昭陽九華，千門萬戶，朕受命自天，始基七百，思所以立防自邇，貽厥將來。前代



職品所宜因革外可詳議務令該允

使四方士民陳刑政詔

徑寸之寶或隱泥沙以人廢言君子斯戒朕聽  
朝晏罷思聞政術雖百辟卿士有懷必聞而蓄  
響邊遐未臻魏闕或屈以貧陋或間以山川頓  
足延首無因奏達豈所謂沈浮靡漏遠邇兼得  
者哉四方士民若有欲陳言刑政益國利民淪  
礙幽遠不能自通者各在條布所懷於刺史二  
千石有可申採大小以聞

勸農訪民所疾苦詔

爲齊帝作

門下執耜斲蹇，則如懸比室，秉機或倚，則無褐終年，非怠非荒，雖由王道，不稂不莠，實賴民和。頃歲多稼，無爽遺秉，如積而三登之美，未臻萬斯之基，尚遠。且風土異宜，百民舛務，刑章治緒，未必同源，妨本害政，事非一揆。冕旒屬念，無忘夙興，可嚴下州郡，務滋耕殖，相畝闢疇，廣開地利，深樹國本，克阜民天。又詢訪獄市，博聽謠俗，傷風損化，各以條聞，無使瘡痍之苦，載興比屋。



主者詳爲科格，稱朕意焉。

搜隱逸詔

高尚其志，義煥通爻。山林不出，訓光惇史。朕聽朝晏罷，尙想幽人。蒲王之禮，伫聞峻節。可班下州郡博訊，遠近若有道映邱園，事浮高尚，可以弭競遷澆，還風拯俗，皆以名聞。靡或遺漏，朕將闢衢室而賓几杖，開東序而授袞職。庶令江海無遺，異人必至。

酬荆雍義士詔

昔義舉之初、人懷自竭、輸賦罄產、同致厥誠、言  
念一槩、思有所酬、其雍荆郢三州有獻物助軍  
國者、外可詳加蠲

赦詔

爲齊  
帝詔

門下朕肅纂乾統、思弘祖業、方欲克廣法猷、甯  
濟遐邇、實賴羣才、共康世務、至於股肱宗戚、情  
委特隆、垂拱責成、緝熙是寄、而各包藏禍心、規  
縱醜逆、朕每存容隱、冀或能悛、而靡懲前愆、彌  
結後釁、七百業艱、宗廟事重、不得不垂涕行戮、



以義斷恩。或藩屬皇宗。或睦姻近戚。夫豈不懷。  
社稷故也。雖四門已穆。羣凶靡餘。而泣辜之歎。  
義兼自昔。方勵精思治。登賢任官。隆平之化。庶  
從茲始。宜播嘉惠。咸與維新。可大赦天下。自今  
月二十日。昧爽已前。謀反大逆。手殺人以下。皆  
赦除之。頃歲軍旅繁興。叛征者衆。其質繫家屬。  
及同伍代役。三署見徒。詳所由原遣。主者施行。

又

門下王室多難。祲沴相仍。昔歲紛阻。鋒交九達。

今茲狂煽、兵連萬雉、時事屯厄、罕有斯逆、故今  
迷疑互起、向背者多、元惡旣懸、猜懼彌廣、奔亡  
草澤、白反莫因、近雖曲赦、與之更始、而愚昧之  
徒、猶多竄伏、且遇寇未夷、役連遐邇、刑政弛張、  
陷罪非一、思所以曠敷加惠、被之億兆、可大赦  
天下、凡與崔慧景協契同謀、首爲奸逆、爰及降  
叛、輸力盡勤、良由世道交喪、流源浸遠、風槩靡  
立、以至如斯、悉皆盪滌、一無所問、凡諸反側、咸  
與維新、並加宣慰、還復民伍、國信之明、皎如日



月榜勒畿要咸使聞知惟崔慧景諸子不在赦  
例主者施行

立左降詔

刑乖政失其源已久罰罪之奏日聞於蚤朝弊  
獄之書亟勞於晏寢免黜相係補代紛紜一離  
讐囚乃求歲月非所以棄瑕錄用隨分盡才者  
也是故減秩居官前代通則貶職左遷往朝繼  
軌自今內外羣司有事者可開左降之科

降死罪詔

朕樹洪業光宅區宇而本枝之慶未廣椒掖滕  
衛之地猶闕藩屏言念弓韉不能忘懷策三子  
始有盤石之資於焉彌固慶雖自己恩加覃及  
凡死罪可降一等五歲刑降二等三歲刑以下  
並悉原放

沈文季加侍中詔

爲齊  
帝作

門下散騎常侍尚書左僕射西豐縣開國侯新  
除鎮軍將軍沈文季業宇流正鑑識超凡秉茲  
恭恪誠著匪躬難起非慮蜜邇墉圻罄力盡勤



萬雉增固，寵服攸加，實爲朝典。可侍中、僕射、新除侯如故。主者速施行。

崔慧景加侍中詔

爲齊帝作

門下護軍將軍樂安縣開國子慧景志氣淹通，識履詳正，誠烈欵盡，義簡朕心。加榮近侍，抑惟朝序。可加侍中。子如故。主者速施行。

授蕭惠休右僕射詔

爲齊帝作  
英華云左僕誤

門下尚書萬事之本，隆替是寄。總司頓闕，宜速有人。征虜將軍吳興太守建安縣開國子蕭惠

休才學淹通，識裁詳允，內著嘉庸，外敷美政，入副朝端，僉議斯在，可守尚書右僕射，餘如故，主者施行。

授王亮左僕射詔

爲齊帝作

門下朝端任重，刑政斯出，自非民望時宗，莫諸茲舉。通直散騎常侍吏部尚書領太子左衛率王亮，器識夷遠，風鑒清奧，贊務釐朝，庶績惟允。宜崇名器，以副具瞻，可尚書左僕射，主者速施行。



王亮王瑩加授詔

爲齊帝作

門下京輔華貫端副要重政首民經任切朝寄  
尚書左僕射亮濬哲淵深道風清邈時棟民譽  
僉望所歸中領軍南徐州大中正南鄉侯瑩德  
宇夷曠鑑識凝遠協隆內外允諧逆徒從

慝躬衛時難氛祲旣澄並宜光贊緝熙穆茲景  
化亮可侍中丹陽尹瑩可侍中尚書左僕射本  
官中正侯並如故主者施行

臨川王子晉南康侯子恪遷授詔

爲齊帝作

門下侍中臨川王子晉志業清敏，器尚夷通，秘書監、右領軍、南康縣開國侯子恪，理識閑悟，思懷韻警，宜出聞朝政，入侍帷幄。子晉可左民尚書，子恪可侍中。王侯並如故。王者速施行。

王茂加侍中詔

門下居中作衛，號望清重，任總儲宮，朝難其選。望蔡縣開國公新除尚書右僕射，茂器度淹弘，志局詳穩，契濶艱夷，情深恒寄，顯命載加，允副僉屬。可侍中衛將軍，領太子詹事，開國公如故。



給鼓吹一部主者施行

資給何點詔

遠趣高情前王所貴義兼昔欵倍用興懷徵士  
何點居貞物表縱心塵外夷任之風率由自遠  
往因素志頗申宴言眷彼子陵情兼惟舊昔仲  
虞邁俗受俸漢朝安道逸志不辭晉祿此蓋前  
代盛軌往賢所同可詳加資給並出所由契資  
須太官別給旣人高曜卿故事同垣下

封授臨川等五王詔

門下神州帝城冠冕列岳渚宮樊鄧形勝是歸  
居中作衛翌宣戎重隆名寵號寔允舊章並非  
親勿居惟賢斯授西中郎將護軍宏朕之介弟  
早富德譽董一藩政緝是嘉庸國禮家情瞻寄  
隆重使持節督南徐兗二州諸軍輔國將軍南  
徐州刺史秀風穎雋邁識業標簡任居藩翰政  
以化成使持節都督雍梁南北秦四州諸軍事  
冠軍將軍甯蠻校尉雍州刺史偉體韻淹穆神  
寓疑正經綸夷險參贊王業冠軍右衛將軍恢



神檢外洽，淵量內湛，奉職鈞陳，周衛以穆。使持節督荆湘益甯南北秦七州諸軍事，安西將軍荆州刺史，憺秀識冲情，允文允武，經啓王業，寔有厥勤，並契濶綢繆，分形並氣，處家盡其匪躬。朕承運迭興，光宅四海，藩維廣樹，經朔攸屬，出納之宜，望實惟允，宏可使持節散騎常侍都督揚南徐州諸軍事，後將軍揚州刺史，封臨川郡王。秀可進號征虜將軍，餘官如故，封安成郡王。偉可使持節散騎常侍都督雍梁荆甯南北秦

六州郢州之竟陵司州之隨郡諸軍事甯蠻校尉雍州刺史將軍如故封建安郡王恢可侍中前將軍領石頭戍事領兵景佐封鄱陽郡王憺可使持節都督荆湘益甯四州諸軍事平西將軍荊州刺史封始興郡王食邑各二千戶

劉領軍封侯詔

爲齊帝作

門下南國是式事易興周原鹿啓土義昭洪漢領軍舅親德之重朝野式瞻在昔中興任推心膺哀疚眇然未堪多難允賴徽猷嗣隆寶業及



釁起不虞，咫尺宮禁，內參嘉謨，外宣戎畧，密勿  
劬勞，誠力備盡，宗社克固，寔倚高謨，無言不讐，  
無德不報，況忠勲至戚，義兼於此者乎，宜錫圭  
裂壤，允副僉屬，可封開國縣侯，食邑二千戶，主  
者施行。

王亮等封侯詔

爲齊  
帝作

門下尚書左僕射亮中領軍南鄉侯南徐州大  
中正瑩守吏部尚書志並時宗民秀徽望允集  
協贊朝機，彝倫是寄，秉文經武，任惟腹心，方賴

嘉謨克弭時難宜疏爵建社與國同休亮瑩可  
各封一千五百戶開國縣侯本官中正如故志  
封千戶開國縣侯本官如故王者速施行

常僧景等封侯詔

爲齊  
帝作

門下廬陵王中兵參軍事宜閣將軍軍主新除  
右軍常僧景車騎江夏王參軍事宜閣將軍新  
除右軍中郎將薛元嗣安東廬陵王參軍事振  
武將軍徐元稱假甯朔將軍廬陵王國侍郎延  
明主帥殷係宗前軍將軍宜閤格虎隊主馬廣



或氣畧強果、或志識貞濟、或忘家奉國、誠著夷  
險、方寄戎昭、克清時難、宜命爵啓土、以獎厥勞、  
可封一千戶、開國縣侯、本官、新除、驅使悉如故、  
主者施行

封三舍人詔

爲齊  
帝作

門下輔國將軍驍騎將軍南高平太守兼中書  
通事舍人沈徽季、給事中驍騎將軍臨淮太守  
兼中書通事舍人王咺之、甯朔將軍南濮陽太  
守兼中書通事舍人裴長穆、並以素胄、清才、服

勤禁省契濶劬勞自頃多難軍國務殷內參帷  
幄外濟師旅忠規欵志義感朕心宜錫茅社同  
蒞賞朋可封三百戶開國縣伯本官郡驅使並  
如故主者速施行

封申希祖詔

爲齊  
帝作

門下持節督司州諸軍事冠軍將軍司州刺史  
申希祖志氣沈隱才畧開濟在昔多難任參心  
膂爰及中興忠欵彌著契濶艱虞盡其心力逮  
獯獫侵斥武節颺騰殘寇外殄危城獨困休庸



茂績朕有嘉焉宜錫茅土以酬勤烈可封開國  
伯食邑五百戶本官如故王者施行

封李居壬等詔

爲齊  
帝作

門下新除太子左衛率軍貞王李居壬志識開  
敏器懷貞濟盡力禁門誠著夷險新除太子右  
衛率軍王潮陽縣開國男胡松性業詳固才用  
果烈新除都督青冀二州諸軍事甯朔將軍青  
冀二州刺史栢和剛正欵率屢著勤効新除左  
中將軍王鴻選氣質強果秉心壯宣並反旆南

轅以赴危難身先士卒翦此鯨鯢功勤碩茂宜  
隆賞典居壬可封一千戶開國縣侯松可增封  
爲七百戶和可封五百戶開國縣伯選可封三  
百戶開國縣男新除持節刺史將軍主男並如  
故王者施行

封徐世檟詔

爲齊  
帝作

門下驍騎將軍彭城令徐世檟才畧貞濟志懷  
義烈忠節內欵勲勤外著禦侮折衝任惟心膺  
頃姦慝潛煽危機驟發夷凶弭難實有力焉宜



命賞疇庸錫茲土宇可封開國縣子食邑三百戶

封左興盛等詔

爲齊帝作

門下逆豎王敬則縱兵內侮陵斥畿甸輔國將軍前軍將軍事左興盛直閤將軍劉山陽受律前驅焱勇爭路或衡至首施或陷懸中麾元惡梟至氛梗載廓賞不踰時義弘前典可封開國男食邑二百戶并進位一階王者速施行

勅

梁武帝踐祚與州郡勅

欽惟邃古，爰及近代，雖禪代異時，而成功一揆。  
豈惟靜民甯亂，實由符運總集，故能啓業垂統。  
光宅區夏，齊氏邁茲昏詖，斯亡奄及，民命蠢蠢。  
倒懸非喻，朕大懼四海舟覆，二象雲傾，億兆與  
崑岡並燎，縉紳與蘊崇共日。永言悽悼，發憤經  
營，推鋒投袂，電擊風掃，藉上天之靈，因熊羆之  
用，德未半古，功侔前烈。齊氏旣欽，若虞夏高揖。



萬邦兼以冥符先著樂推攸在幽顯宅心辭不  
獲命猥以虛寡君臨萬國川壑之懷寤寐盈慮  
方欲昧旦丕顯日昃忘勞思與賢能康濟世道  
卿擁旄萬里共治是寄當求民瘼留念獄市威  
斷以御強猾仁惠以撫貧孤使遠近幽深咸得  
其所方虛位欽能懸爵伋効勿令漢代璽書獨  
行於自古晉世班條靡用於茲日想加克勉副  
其側席

與謝朓勅

吾以菲德。屬當期運。鑒與吾言。思隆治道。而明  
不遠燭。所蔽者多。實寄賢能。匡其寡闇。嘗謂山  
林之志。上所宜弘。激貪厲薄。義等爲政。自居元  
首。臨對百司。雖復執文經武。各修厥職。羣才競  
爽。以致和美。而鎮風靜俗。變教論道。自非箕顓  
高人。莫膺茲寄。是用虛心側席。屬想清塵。不得  
不屈茲獨往。同此濡足。便望釋蘿襲袞。出野登  
朝。必不以湯有慙德。武未盡善。不降其身。不屈  
其志。使璧帛虛往。蒲輪空歸。傾首東路。望兼立



表義軒邈矣。古今殊事。不獲總駕崆峒。依風問道。今方復引領雲臺。虛已宣室。紆賢之愧。載結寢興。

與何胤勅

吾猥當期運。膺此樂推。而顧已多蔽。昧於治道。雖復劬勞日昃。思致隆平。而先王遺範。尚蘊方策。息舉之用。存乎其人。兼以世道澆暮。爭詐繁起。政俗遷風。良有未易。自非以儒雅弘朝。高尚軌物。則汨流所至。莫知其限。治人之與治身。獨

善之與兼濟得失去取爲用孰多吾雖不學頗  
好博古尚想高塵每懷擊節今世務紛紜憂責  
是當不得不屈道巖阿共成世美必望深達往  
懷不忝濡足



遊平定園

皇朝小史  
卷之四  
沈隱侯集  
卷一  
三

授蔡法度廷尉制

門下民命所懸繫乎三尺止殺除殘寔由乎此是以臯陶作士五刑惟明于張蒞官世無冤獄且漢代律書出乎小杜吳雄以三世法家繼爲理職郭恭以律學通明仍業司士爰及晉氏此風未泯叔則元凱並各名家自茲厥後斯尚漸薄迄至於今損棄頓盡衣冠士子耻復用心州郡姦吏恣其取捨舞文弄法非止一塗朕膺天



受命爲兆民主。每一念此。忘寢與食。尚書刪定  
左曹郎中蔡法度。少好律書。明曉法令。世之所  
廢。篤志不怠。至於章句。躋滯名程。乖礙莫不酌  
酌。厥衷允得其門。方欲寄以國刑。開示後學。拔  
才取士。豈有定方。自世道澆流。浮僞雲起。量計  
多少。辯校錐刀。若遵往從舊。守而勿失。豈所以  
軌儀上世。垂風于後。宜加褒擢。弗繫常階。可守  
廷尉卿。王者施行。

授王績蔡約王師制

爲齊  
帝作



門下冠軍將軍司徒左長史始平縣五等男續  
華宗冠冑器質詳和都官尚書約清源素範體  
業倫正訓茲蕃國僉議攸在續可隨郡王師加  
散騎常侍男如故約可零陵王師加給事中主  
者速施行



齊武皇帝行幸方山日世道淒涼浮偽雲起星計  
靖謨常并畏收姑徐何零刻王昭收命車中王  
業命王昭茲等因食難外王難何劉璋王昭收  
華宗歐陽器贊特味清宮尚書徐肅肅素鍾豐







34